



Broj: 08-01-03/2-11-2-1094-9/24
Dana: 13.06.2024. godine

Na osnovu člana 20. stav (2) tačka n) Zakona o unutrašnjim poslovima Zeničko-dobojskog kantona ("Službene novine Zeničko-dobojskog kantona", broj: 13/18, 6/19, 22/19, 21/20, 10/21 i 8/23), u vezi sa članom 69. stav (2) tačka a) i tačka d) i članom 70. st. (1), (4) i (6) Zakona o javnim nabavkama ("Službeni glasnik BiH", broj: 39/14 i 59/22), ministar Ministarstva unutrašnjih poslova Zeničko-dobojskog kantona,
d o n o s i:

ODLUKU o poništenju postupka nabavke

Član 1.

Poništava se postupak nabavke komunalne usluge odvoza smeća za:

- LOT 1: Nabavka komunalne usluge odvoza smeća za potrebe Ministarstva unutrašnjih poslova Zeničko-dobojskog kantona- sjedište, Policijske uprave I Zenica i Specijalne policijske jedinice,
LOT 2: Nabavka komunalne usluge odvoza smeća za potrebe Policijske stanice Kakanj,
LOT 3: Nabavka komunalne usluge odvoza smeća za potrebe Policijske stanice Vareš,
LOT 4: Nabavka komunalne usluge odvoza smeća za potrebe Policijske stanice Tešanj,
LOT 5: Nabavka komunalne usluge odvoza smeća za potrebe Policijske stanice Olovo,
LOT 6: Nabavka komunalne usluge odvoza smeća za potrebe Policijske stanice Zavidovići,
LOT 7: Nabavka komunalne usluge odvoza smeća za potrebe Policijske stanice Visoko,
LOT 8: Nabavka komunalne usluge odvoza smeća za potrebe Policijske stanice Breza,
LOT 9: Nabavka komunalne usluge odvoza smeća za potrebe Policijske stanice Maglaj,
LOT 10: Nabavka komunalne usluge odvoza smeća za potrebe Policijske stanice Žepče,
LOT 11: Nabavka komunalne usluge odvoza smeća za potrebe Policijske stanice Doboju-Jug,
LOT 12: Nabavka komunalne usluge odvoza smeća za potrebe Policijske stanice Usora,
iz razloga što za LOT 1 nijedna od primljenih ponuda nije prihvatljiva, a za LOT 2, 3, 4, 5, 6, 7, 8, 9, 10, 11 i 12 iz razloga što nije dostavljena nijedna ponuda u određenom krajnjem roku.

Član 2.

Ova Odluka stupa na snagu danom donošenja i objavit će se na web-stranici ugovornog organa (www.mupzdk.gov.ba).

O b r a z l o ž e n j e

Na osnovu Odluke o pokretanju postupka broj: 08-01-03/2-11-2-1094/24 od 17.04.2024. godine i Obavještenja o nabavci broj: 488-1-2-28-3-32/24 od 23.04.2024. godine proveden je otvoreni postupak nabavke komunalne usluge distribucije smeća. Procijenjena vrijednost nabavke je iznosila 55.555,55 KM bez uključenog PDV-a (LOT 1: 13.511,65 KM, LOT 2: 1.527,36 KM, LOT 3: 4.029,97 KM, LOT 4: 1.112,69 KM, LOT 5: 5.222,52 KM, LOT 6: 9.576,32 KM, LOT 7: 1.258,41 KM, LOT 8: 6.316,69 KM, LOT 9: 4.359,09 KM, LOT 10: 6.704,36 KM, LOT 11: 685,55 KM, LOT 12: 1.250,94 KM). Sažetak obavještenja o nabavci broj: 488-1-2-28-3-32/24 objavljen je dana 07.05.2024. godine u "Službenom glasniku BiH", broj: 30. Komisija za javnu nabavku imenovana je Rješenjem o imenovanju Komisije za javnu nabavku broj: 08-01-03/2-11-2-1094-2/24 od 14.05.2024. godine. Komisija za javnu nabavku sačinila je Zapisnik o prijemu ponuda u postupku javne nabavke broj: 08-01-03/2-11-2-1094-4/24 od 27.05.2024.



godine, Zapisnik sa otvaranja ponuda broj: 08-01-03/2-11-2-1094-5/24 od 27.05.2024. godine, te konstatovala da u ostavljenom roku za dostavljanje ponuda zaprimljena 1 (jedna) ponuda za LOT 1, dok za LOT 2, 3, 4, 5, 6, 7, 8, 9, 10, 11 i 12 nije dostavljena nijedna ponuda u određenom krajnjem roku. Nadalje Komisija je sačinila i Zapisnik o pregledu i ocjeni ponuda broj: 08-01-03/2-11-2-1094-8/24 od 03.06.2024 godine, te utvrdila da ponuđač "ALBA Zenica" d.o.o. Zenica nije kvalifikovan za LOT 1 obzirom da je u vezi sa ispravkom računске greške zahtijevao izmjenu jedinične cijene stavke u obrascu za cijenu ponude, čime je odstupio od uslova iz Aneksa II- Obrazac za cijenu ponude gdje je definisano da se jedinična cijena stavke ne može ispravljati. Naime, u toku pregleda i ocjene ponuda i provjere računске ispravnosti kod ponuđača "ALBA Zenica" d.o.o. Zenica je utvrđeno da je u Obrascu za cijenu ponude (Aneks II) stavka pod redni brojem C 2. ("Praženjenje kontejnera") zahtjevana količina 8 tura x12 mjeseci, a da je jedinična cijena koju je ponuđač naveo 118,00 KM bez PDV-a (8 tura za jedan mjesec). Množenjem te količine i jedinične cijene (118,00 x 12) dobije se iznos 1.416,00, a u ponudi tog ponuđača u rubrici: "ukupna cijena u KM bez PDV-a (Jedinična cijena u KM bez PDV-a x 12 mjeseci)" upisan je iznos od 1.344,00 KM, iz čega je utvrđena računska greška u ponudi koja je od strane Komisije ispravljena na način: - U obrascu za cijenu ponude (Aneks II) stavka pod rednim brojem C2. u rubrici: "ukupna cijena u KM bez PDV-a (Jedinična cijena u KM bez PDV-a x 12 mjeseci)" je upisan iznos 1.416,00, te se stoga i u zbirnim rubrikama na kraju Aneksa II: "UKUPNO A+B+C+D bez PDV-a" i UKUPNO A+B+C+D u KM sa popustom bez PDV-a" umjesto iznosa 11.810,24 KM upisuje iznos 11.882,24 KM. Iste ispravke su izvršene i u Obrascu za dostavljanje ponude (Aneks I sa izjavom ponuđača) pod 3. gdje je također u rubrici "PDV na cijenu ponude (sa uračunatim popustom)" umjesto iznosa 2.007,24 KM upisan iznos 2.019,98 KM, te u rubrici "ukupna cijena za ugovor je" umjesto iznosa 13.817,48 KM upisan iznos 13.902,22 KM.

O navedenim ispravkama ponuđač "ALBA Zenica" d.o.o. Zenica je obaviješten aktom ugovornog organa broj: 08-01-03/2-11-2-1094-6/24 od 27.05.2024. godine koji mu je dostavljen putem e-maila dana 27.05.2024. godine, da bi ponuđač putem e-maila dana 30.05.2024. godine dostavio izjašnjenje kojim ne prihvata ispravke navodeći da se radi o pogrešno unesenoj jediničnoj cijeni za predmetnu stavku (umjesto upisanih 118,00 KM trebalo 112,00 KM) i da je to cijena po starom cjenovniku iz 2008. godine. S tim u vezi Komisija nije uvažila zahtjev ponuđača u vezi ispravke na naprijed opisani način imajući u vidu da se, shodno članu 17. stav (5) Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15), jedinična cijena stavke ne smatra računskom greškom i ne može se ispraviti, a kako je to navedeno i u Obrascu za cijenu ponude - Aneks II.

Cijeneći naprijed navedeno, primjenom člana 69. stav (2) tačka a) i d) Zakona o javnim nabavkama BiH, odlučeno je kao u dispozitivu.

PRAVNA POUKA:

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koja se u žalbi navodi kao povreda ovog zakona i podzakonskih akata od strane ugovornog organa u postupku javne nabavke, ima pravo uložiti žalbu na postupak u pisanoj formi u roku od 10 (deset) dana po prijemu odluke o poništenju postupka nabavke. Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno, elektronskim putem ili preporučenom poštanskom pošiljkom. Žalba se podnosi u najmanje 3 (tri) primjerka.

DOSTAVLJENO:

1. Sektor za podršku, 1x.-
2. Spis, 1x.-

